



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Historia Missionis Anglicanæ Societatis Iesv**

**More, Henry**

**Avdomari, 1660**

Propositorum quorundam de restringendis muneribus Societatis, n. 22.

**urn:nbn:de:hbz:466:1-38320**

**1587.** laceri, ab illis commodè & comprè vestiuntur; victu destituti & pecuniâ, ab illis sustentantur; & ne scientes vbi commoorentur, quia ignoti, ab illis e-  
quos & alia ad iter necessaria habent paratissima, & loca etiam prudentissi-  
mè designata, vbi in lapsis recuperandis, Catholicis confirmandis, &  
in Dei cultu propagando laudabiliter laborare poslunt. Neque his fini-  
bus concluditur eorum caritas; Nos enim ipsi qui pondus diei & aestus per  
plurimos annos sustinuimus ex eorum fontibus in nostra necessitate plu-  
rimum alleuamenti & consolationis habuisse profitemur. Si sciret Ampli-  
tudo vestra quantum pecuniarum in talibus & alijs pietatis officiis Patres in-  
sumpserint, & quam promptè ad lanctos refocillandos in Carcere detentos, &  
alios variis retum ac temporum difficultatibus implicatos & oppressos illi  
semper accurrerint, non dubito quin actutum coegeret effrenatam auda-  
ciam eorum qui inuidia stimulis agitati de Patrum existimatione ac caritate  
quidquam imminuerint. Inuidia virtutis comes est, sed ut fumus sic illa ini-  
tio præualet, & mox illustratis rebus quibus inuidetur euangelicir, Itaque in  
spem maximam inducor futurum ut quas tenebras maleuoli Patrum splen-  
dori offuderūt, illas omnes patefacta rerum veritas disperit, Amplitudinemq;  
Vestram prouisuram ne detrahentium licentia tam libere volitet ad bono-  
rum offendiculam, & iacturam Catholicæ fidei, cuius huc usque (ut vir-  
Cypriani verbis) mansit per Dei gratiam apud nos robust immobile, & con-  
tra omnes incurlus oblatrantum fluctuum stabilis & inconcussa virtus.)  
Hæc Blackwellus; cui plures si necesse esset, adiungere liceret in eandem sen-  
tentiam scriptores; videri autem possunt in relatione visitationis factæ per  
Cardinalem Segam Clementi Pontifici oblata.

Neque vero iure quisquam nos accuset quod vel unum ex sede suâ expel-  
lere conatus simus: longè id à nostro proposito abhorret: Bonis Sacerdotibus  
sedes optamus bona; Inquietos vero si qui retinere volunt, maximas illis gra-  
tias habebimus; ita enim minus liberè vagari poterunt ad aliorum animos  
solicitandos, & longius aberunt à periculo lapsus & Apostasiæ. Huc accedit  
incredibilis labor, sollicitudo, sumptus, periculum in adolescentibus & virgi-  
nibus, eorumque pecunijs transmittendis: Perpetua ferè primis temporibus  
in plerisque nostris Residentijs hospitalitas, praesertim erga Sacerdotes qui cer-  
to hospitio erant destituti; in expediendis ab urbe negocijs non mediocris cu-  
ra, & infinita alia quæ ab alijs commemorati decentius possint quam à nobis:  
Quibus omnibus in officijs id solari nos quam maximè par est quod in quibus-  
dam suis Eminentissimus Protector quondam scripsit, cum sortem nostram fe-  
licissimam videri affirmaret, eoque magis quod cum omnibus benefacere sara-  
gamus non ab omnibus sorte perinde nobis gratia referatur, quo sit copiosior  
alterius vita retributio.

**V. supra  
no. 14.  
Propositum  
quorundam de re-  
stringendis  
Religio-  
forum offi-  
cijs in An-  
glia,**

XII. Neque enim (ut numero decimo quarto notatum est) defuere qui-  
bus propositum fuit Religiosorum hominum officia in Anglia arctis limitibus  
circumscribere, & Societatem vniuersam ex Insula euocare. Hoc enim scrip-  
tum

tum reperio quorundam decretum . ” Quanquam magnus rigor esset vllum 1587.  
 Religiorum cogere ut suo habitu incedat his in tenebris diebus in Anglia;  
 nihilominus ut discrimen aliquod constituantur inter Religiosam professio-  
 nem & Ecclesiasticam auctoritatem, plures admittere non debemus ex quo-  
 cunque Religiorum Ordine, ut in hoc regnum ingrediantur, quousq; Deo  
 placuerit ut omnino conuertatur, & ut quæque Professio eum locum acci-  
 piat qui illi debetur. Quod si forte aliqui veniant, sive propter valetudinem,  
 sive per alias occasiones, ut neque illi, neque vlli qui iam hic sunt ex quacun-  
 que Religiosa Professione, ulteriore n̄ habeant auctoritatem intra hoc Reg-  
 num Angliæ & Scotiæ, quam facere Sacrum duntaxat, & Catechizare, & ex-  
 hortari illos quibuscum versantur, dando bonum consilium & exemplum  
 vitæ uniuicuique, absque eo quod se intermiscent in vllis Ecclesiasticis rebus  
 in quibus iurisdictio vel potestas clavium usurpanda est; ad eum finem ut  
 quemadmodum Angliæ conuersio primum cœpit ex prædicatione & Marty-  
 rio Seminaristarum, diu antequā vlla plane Religiosa persona nostras misterias  
 intueri vellet, ita etiam ij tanquam suo iure latidem, meritum, & triumphum  
 conuersio Angliæ sibi vendicent ) Miseranda profecto res fuisset & pror-  
 fusa deploranda in prudentis cuiusquam pījūe viri cogitationem huiusmo-  
 di propositum venire potuisset. Quid enim? Nunquid quo propinquior est  
 Religiosus status vitæ Christi Domini exprimendæ, eo procul magis amo-  
 uendi sunt qui illam profitentur ab iis officiis quæ Christus ipse decora sibi in corpore  
 existimauit & saluti hominum necessaria? Nunquid Religiosi Sacerdotes de Ecclesiæ  
 Clero esse censendi non sunt? quod enim votis ad Religiosam obseruantiam gendi,  
 obstricti, quod etiam peculiari vinculo sedi Apostolicæ sunt eorum aliqui  
 deuincti, non sunt hæc adeo contempnenda, ut velipsi minus idonei cen-  
 sificantur ea propter ad muria Sacerdotalia, vel ab vlo Catholico Sacer-  
 dotum corpore segregandi; sunt potius in Christi corpore ( quod est  
 Ecclesia) tanquam in annulo gemma, ijsdem quibus cæteri vslibus aptati,  
 atque eo magis idonei ad horum inum animos cōmouendos quo per disciplinæ  
 Religiosæ accuratam custodiā sunt omnium opinione illustriores. Atque  
 de Societate nostra omnibus notum est illam præter perfectionem pro-  
 priam ( cui quilibet præ omnibus aliis studere debet ) proximorum eti-  
 am perfectioni operam sedulam ex Instituto nauare, Inde fit ut ( quemadmo-  
 dum cæteri Mendicantium Ordines Sanctissimi ) cum non se ita in solitudi-  
 nes abdiderit ut Deo soli vacet, perpetuæque Contemplationi cum Carthu-  
 sianis aliisque Monachis incumbat, sed mixtam quandam ex Contemplativa  
 & Activa vitæ rationem amplexa sit, Sanctissimo Christi vicario semper  
 præsto sit ad qualcunque Ecclesiasticas sive functiones, sive Missiones. Ae-  
 quum enim est ut in Ecclesia Dei reperiantur qui & se totos Deo deuoteant,  
 & tamen proximorum curam non relinquant, sed ut ex Sancto Gregorio ad  
 hunc finem citat Sanctus Thomas, iuxta illud Davidicum, *Memoriam abun-*  
*dantiae suavitatis Dei eructent*, & quod in intimo Contemplationis secessu

T 4

hau-

1587. hauserunt, id in aliorum fructum tanquam ex penu proferant. ) Quod sanè vitæ genus tum per se præstantius est eo quod in sola Contemplatione, vel in actione sola versatur (yt 1 heologi docent) tum ad proximorum utilitatem tanto conducibilius, quanto & liberius aliorum se commodis applicant qui sua querere non possunt, & magis alijs prælacent qui quod verbis docent factis exequi peculiari lege tenentur, & potiora sunt Diuini Artificis instrumenta quo ipsi à quo motionem omnem acciperé debent intimius coniunguntur. Et hæc omnia ita sanè Religiosis Ordinibus conueniunt, non vt in Sacerdotibus ex virtutes reperiri non possint in quibus cernitur Christiana perfectio, aut vt illi plebem Christianam utilem pascere nequeant, sed vt ipsius status Religiosi dignitas atque præstantia ad Ecclesiasticas functiones ritè præstandas singulare adferat adiumentum. Cuius rei argumentum non leue peti potest ex Apostolorum ipsorum alijsque proxime sequentibus aetatibus in quibus constat Clericorum vitam nihil à Religiosorum obseruantia discrepasse.

Juriſdičio  
omnis vn  
de deriu.  
tur.

X III. Alterum præterea est ad quod animum aduertere hac in re necesse est ex certa & recepta Catholicorum Doctrina, Nulli simplici Sacerdoti, ex ipsius vi ordinationis Jurisdictionem actualē competere. Quam multi enim Sacerdotes aut solitarij vitam degunt aut in Claustris sibi ipsiis vacant, aut in seculo beneficia simplicia obtinent sine villa animarum cura. Omnis autem Jurisdictionis à Sede Apostolica tanquam à fonte dimanat, & sicut vnguentum à Capite descendens, per totam diffunditur Ecclesiam. Ex quo & proxime dicto capite sequitur, neque Religiosi quā Religiosi sunt illicitum esse aut incongruum proximorum saluti incumbere, neque reliquis Sacerdotibus eo ipso quod Sacerdotes sunt villam datam esse actualē Jurisdictionem, aut in plebem Christi potestatem, priusquam à Pontifice vel alijs ipsi subditis Prælatis auctoritate legitimammittantur. Vnde igitur tartum Chaos inter Regulares & reliquos Sacerdotes vt in proximorum salute procuranda pares esse non possimus: dignitates quidem Ecclesiasticas (quoad sine peccato inobedientiae possumus) refugimus: sed neque Sacerdotibus in Anglia dignitas plerumque villa, aut villa plane in foro externo Jurisdictione concessa est. Animos verò hominum quantum diuina gratia concedet, sine villa Jurisdictione externa: uare communice est omnibus qui mittuntur, in ea que re præstanta, quantum occasio fert non segniter laboratur; Idem enim Dominus Meis nos operarios in vinea sua constituit: Ab eodem fonte tum vetera Religiosorum Ordinum priuilegia tum noua ad hanc Missionem accommodata accepimus. Magis etiam fortasse propriè aut magis conuenienter (absit verbo inuidia) huiusmodi Missiones Societatis hominibus quam Sacerdotibus reliquis committuntur. Nostræ enim Societatis, tum ex Institutione ipsa, tum ex varijs Priuilegijs, tum ex peculiari voto à sede Apostolica approbato, proprium est ad varias toto orbe Missiones destinari: Societatis homines in ipsis Missionibus Obedientiae subditi sunt: Nihil possidere proprium, aut sibi ipsiis accumulare possunt; Ad regulares obseruantias (quantum locorum fert ratio) obligantur: sibi ipsiis mutuo cogniti

esse